



SAOPŠTENJE ZA MEDIJE

CSS POZIVA NA DEPOLITIZACIJU IMENOVANJA DIREKTORA APIK-a I NJEGOVIH ZAMJENIKA

Sarajevo, 21.06.2016. godine

Povodom sve češćih i opravdanih zahtjeva javnosti da se u institucijama vlasti u BiH upošljavaju sposobne a ne podobne osobe, CSS poziva nadležnu parlamentarnu Komisiju za izbor i praćenje rada Agencije za prevenciju korupcije i koordinaciju borbe protiv korupcije (APIK) da omogućí uključivanje javnosti u postupak odabira novih čelnih ljudi APIK-a.

Imajući u vidu da je procedura imenovanja čelnih ljudi APIK-a u toku, donošenje odluke nadležne Komisije da prilikom intervjuisanja kandidata mogu biti prisutni mediji i zainteresovana lica, svakako bi poslalo snažnu i pozitivnu poruku o opredjeljenosti za transparentno i odgovorno obavljanje povjerenih funkcija, smatra dr. Denis Hadžović, generalni sekretar Centra za sigurnosne studije.

Sam proces uključivanja javnosti u ovaj proces ohrabrio bi novo rukovodstvo u borbi protiv korupcije u BiH, te bi Agencija bila još prepoznatljivija kao centralna tačka oko koje se okupljaju svi oni koji istinski žele, odnosno oni koji pokazuju spremnost i volju u borbi protiv korupcije.

Ujedno, ovakav čin u značajnoj mjeri bi doprinio vraćanju poljuljanog povjerenja građana u institucije vlasti, te konačno iskazao spremnost nadležnih da se uhvate u koštac sa korupcijom koja je nepobitno rasprostranjena u cijelom društvu, zaključuju u Centru za sigurnosne studije.